

Akcija Patriot i saslušanje u Tužilaštvu BiH ŽELJKO ASIĆ UHAPŠEN, PA PUŠTEN

Federalnom zastupniku nije oduzet imunitet, a kada je u pitanju njegov mandat, nema govora o oduzimanju bez sjednice Zastupničkog doma Parlamenta FBiH, rekao je Karlo Filipović



Politički obračun?



Karlo Filipović

Foto: D. TORCHE

U sklopu nastavka rada na predmetu kodnog naziva Patriot, po naredbi Tužilaštva BiH, policijski službenici Državne agencije za istrage i zaštitu (SIPA) jučer su lišili slobode Željka Asića, federalnog zastupnika u Zastupničkom domu Parlamenta Federacije BiH (SPP). Kako saznajemo, Asić je potom saslušan u Tužilaštvu BiH nakon čega je pušten na slobodu. O detaljima će se više znati u narednim danima.

Izuzeta dokumentacija

Iz SIPA je saopšteno kako je razlog za hapšenje - osnova sumnje da je Asić počinio krivično djelo iz člana 217. KZBiH, a to je: primanje dara i drugih oblika koristi, te krivično djelo iz člana 219. KZBiH - protivzakonito posredovanje. Asić se tereti da je 2012. učestvovao u zapošljavanju jedne osobe u JP Elektroprivreda HZHB u Mostaru.

- U nastavku aktivnosti u ovom predmetu, a postupajući po naredbi Tužilaštva BiH,

SPP: Novi obračun sa predsjednikom Budimirom

Iz Stranke pravde i pomirenja (SPP) najstrožije su osudili privođenje dopredsjednika stranke i zastupnika u Parlamentu Federacije BiH Željka Asića. Smatraju da je riječ o političkom obračunu sa predsjednikom Federacije BiH i predsjednikom stranke SPP-a Živkom Budimirom.

pripadnici SIPA su izuzeli određenu dokumentaciju iz prostorija JP Elektroprivreda HZHB u Mostaru. Privremeno izuzeta dokumentacija biće dostavljena Tužilaštvu BiH na dalje postupanje, saopćeno je iz SIPA.

Mandatno-imunitetska komisija koja djeluje u sklopu Zastupničkog doma Parlamenta FBiH jučer je održala hitnu sjednicu. Nakon toga, Karlo Filipović, predsjednik komisije, rekao je novinarima da su zaključili kako treba sazvati vanrednu sjednicu na kojoj Zastupnički dom treba zauzeti stav u vezi sa slučajem Željka Asića.

- U sklopu akcije Patriot, a kojom se već pola godine progoni predsjednik Budimir, nisu uspjeli ništa dokazati i podignuti optužnicu te zbog toga nastavljaju sa daljnjim političkim uhićenjima koja imaju za cilj osvetu i blačenje - isključivo zbog neizvršenja rekonstrukcije Vlade Federacije BiH, navodi se u saopštenju SPP-a.

- Konstantovali smo da Komisija nema nijednu relevantnu informaciju jer organi koji su poduzeli radnje prema Asiću nisu našli za shodno da o tome izvijeste Zastupnički dom Parlamenta FBiH, kazao je Filipović.

Na osnovu toga, Mandatno-imunitetska komisija smatra da Ustav FBiH, Zakon o imunitetu FBiH i Poslovnik Zastupničkog doma Parlamenta FBiH predviđaju precizne procedure prilikom postupanja prema zastupnicima u slučajevima kada i kako mogu biti lišeni slobode.

- U slučaju Željka Asića nije provedena propisana procedura za traženje suglasnosti Zastu-

pničkog doma za lišavanje slobode, dodao je Filipović.

Imunitet ostaje

Predsjedavajući Zastupničkog doma do zasjedanja tog doma, koje predlaže ova komisija, treba da osigura službenu informaciju od nadležnih organa u vezi s hapšenjem zastupnika.

Odgovarajući na pitanje novinara da li je uhapšenom zastupniku oduzet imunitet, Filipović je odgovorio da nije i da, kada je u pitanju njegov mandat, nema govora o njegovom oduzimanju bez sjednice Zastupničkog doma Parlamenta FBiH.

E. GODINJAK